



## Get-Together

L'incontro delle lingue La rencontre des langues Inscunter da las linguas Begegnung der Sprachen



### Communicaziun a las medias

### Get-Together – Or cun il marmogn!

**Basilea, 22 zercladur 2010: Dal 12 da fanadur fin ils 15 d'avust sa metta il project « Get-Together - Inscunter dals lungatgs » sin via per scuvrir la quadrilinguitad a moda frestga e nova. Per ina giada na stattan betg las differenzas pertutgant il foss da la rösti u auters foss en il center, mabain la tschertga da tratgs cuminaivels. Mintgin sa sa participar, tuttina sche per in di, in'emna u l'entir temp da viadi.**

La quadrilinguitad tutga tar la Svizra sco vatgas, chaschiel e tschigulatta. Igl è ina da las atgnadads che fa che la Svizra sa distingua d'autras naziuns. Ina Svizra senza ils quatter lungatgs naziunals tudestg, franzos, talian e rumantsch è bunamain nunimaginabel ed era sin scalim politic è il mantegniment e la tgira da la plurilinguitad puspè stà in tema da discussiun brisant. Il project Get-Together sa metta sin via per perseguitar quest fenomen e per dar la pussaivladad a la populaziun, d'exprimer lur opiniun.

L'idea davostiers è fitg simpla. Sin ina tura vegnan traversadas tuttas quatter regiuns linguisticas. Dus gruppas cumenzan a Chancy e Müstair, per s'entupar ils 8 d'avust ad Engelberg e suenter viandar ensemen a Berna, il cor da la Svizra politica. Là va il viadi a fin ils 15 d'avust cun ina gronda festa sin il plaz da la chasa federala. Envidà d'accompagnar las gruppas plurilinguisticas è l'entira Svizra. « Highlights » dal viadi èn otg dis da project durant ils quals ins survegn mintgamai in'invista en la cultura regiunala. Uschè vegnan, ensemen cun la populaziun, installadas stivas sin piazzas publicas ch'envidan ad in barat ampernaivel. Bands e gruppas da solt u teater dal lieu vegnan mussar lur talent ed ils mastirants ed artists locals envidan da sa participar a lur activitads.

### Il participants furman era il project

L'organisaziun dal project va cun plaina forza. L'entira ruta è fixa, ils lieus da pernottaziun èn reservads, ils dis da project èn en planisaziun ed ils guides da las turas èn pronts da manar lur gruppa tras la Svizra. Il sulet che mantga anc, èn ils participants. Dapli glied da tuttas vegliadetgnas che sa participeschan e pli variant vegn il barat. Il project less dar spazi per bleras ideas novas e creativas che mainan tar inscunters tranter glied da tuttas parts da la naziun e pussibiliteschan uschè in'invista en las autras regiuns linguisticas.

Ilis organisaturas e las organisaturas giuvnas da tuttas parts da la terra lessan crear cun lur idea ina plattforma che pussibilitescha da scuntrar la quadrilinguitad da la Svizra uschè avert ed acriv sco prest anc mai. Els envidan a la stad la pli quadrilinga che la Svizra ha vis insacura.

Ulteriuras infurmaziuns e l'annunzia chattais Vus sin la pagina da project : [www.get-together.ch](http://www.get-together.ch)

Per dumondas stain nus gugent a disposiziun.

Salids amicabels

La gruppa da project Get- Together

Contact:

**Tudestg**

Ramona Schneider

+41 79 247 34 08

[ramona.schneider@get-together.ch](mailto:ramona.schneider@get-together.ch)

**Talian**

Natascha Nota

+41 76 213 28 06

[natascha.nota@get-together.ch](mailto:natascha.nota@get-together.ch)

Barbara Fe Cretton

+41 76 203 76 09

[barbara.fecretton@get-together.ch](mailto:barbara.fecretton@get-together.ch)

**Rumantsch**

Oliver Nyffeler

+41 79 390 94 66

[oliver.nyffeler@get-together.ch](mailto:oliver.nyffeler@get-together.ch)

**Franzos**

Emmanuel Gaillard

+41 79 655 74 04 (CH)

+49 15 126 85 47 93 (D)

[emmanuel.gaillard@get-together.ch](mailto:emmanuel.gaillard@get-together.ch)